

DISSERTATIO JURIDICA INAUGURALIS^{26.}
DE

INTIMATIONE PER TAB-
BELLIONEM PRIVATA

VULGO:

Son Beschiebung durch einen
NOTARIUM,

QVAM

EX DECRETO ET AUCTORITATE INCLYTÆ
FACULTATIS JURIDICÆ,
SUB PRÆSIDIO

*VIRI PRÆNOBILISSIMI CONSULTISSIMI ATQVE
EXCELLENTISSIMI,*

DN. JACOBI CARMON,

JCTI ET ANTECESSORIS LONGE CELEBERRIMI, CONSI-
STORII DUCALIS CONSILIARII GRAVISSIMI, ITEMQVE PANDECTARUM
PROFESSORIS FAMIGERATISSIMI, AMPLISSIMÆ FACULTATIS
JURIDICÆ SENIORIS VENERANDI, HODIEQVE DE-
CANI SPECTABILISSIMI,

PATRONI MAXIME COLENDI,

PRO LICENTIA

SUMMUM IN UTROQVE JURE GRADUM CAPESSENDI,

D. 27. SEPTEMB. ANNO MDCCXXIX.

PUBLICO ERUDITORUM EXAMINI SUBMITTIT,

AUTHOR

CHRISTIANUS LUDOV. TADDEL,

CANCELLARIÆ SVERINENSIS ADVOCATUS ORDINAR.

R O S T O C H I I,

Typis IO. IAC. ADLERI, SEREN. PRINC. & ACAD. Typographi.



PRÆFATIO.

§. I.



Uobus præcipue *Dissertationis occasio.*

modis legum ignaros circa privatam per Notarium intimationem excedere videmus: Stupidos quidem, & ingenia rustica, dum Tabelliones coeco venerantur obsequio, illorum arbitrio, propriæ salutis obliti, sponte subjacent, & eos judices esse credunt, ubique juris dicendi facultatem habentes! Hac ratione fieri solet, ut adversarius, aliis forte destitutus nocendi mediis, Operam Notariorum adhibeat, quo ipsi, simplices multis interrogandi formulis excrucient, & si quid exciderit, instrumentis suis ansam dent, miseris movendi lites. Interim

A 2

terim

terim stipites illi semper respondendum esse, falso putant, & vera quævis effutienda coram Notario, ne forte poenam incurrant Ananiæ mentientis, utut multa deinde pericula, ex propriâ Confessione metuenda sint. Non certe suademus illud, quod oſores ſcientiæ legitimæ primam alias juris regulam eſſe dicunt: *Si feciſti nega!* ſed diſuademus etiam, ne quis promiſcue respondeat *ipſi, qui jus interrogandi non habet*, utpote quod negligentia ſupina, animique vilioris teſtimonia præbet.

§. II.

Hoc vero dum vitant alii, ſane in contraria currunt, excandefcentes ad vocem intimantis notarii, quem lapidibus, baculis, & fuſtibus igne duratis repellere conantur, ubivis facilius patientes quam in hac re. Nullam iſta rabies meretur laudem: Sufficeret enim intacta ſervaffe jura, & ſi quid præterea, Tabellionem de audaciâ monuiſſe. Interim cum evenire dicta videamus plus ſimplici vice, & vulgus ad nihil magis pronus quam ad ablegationem Notariorum eſſe ſoleat, operæ pretium erit totum intimationis privatae negotium ad amuſſim legum vocare, ſimulque oſtendere, qua ratione illud prohibitum ſit? & quando jure locum adhuc habeat? Tractationem autem illam in tres dividendam eſſe partes cenſemus, quarum prima, binis verbis agat: de Intimationibus ingenere; ſecunda: de Tabellionibus, tertia: de Intimatione per Tabellionem privatâ.

CAP. I.

C A P. I.

DE INTIMATIONIBUS IN GENERE.

§. III.

IN statu civili frequentissimum apud nos intimationis usum esse, praxis quotidiana docet : Quoties enim sive Cæsar Imperii subditis, sive Rex potestati subjectis, aut Princeps in territorio viventibus, aut Consul in Republica degentibus, aliquid injungit & mandata coram offerri jubet: toties evidens intimationis exemplum habemus. Sub hac autem voce generali comprehendimus *adum quo alter alteri, accedente plerumque ministerio tertii, quid insinuat, ut notitiam ejus consequatur.* *Quid sit intimation?* Pro diversitate personarum INTIMATIO *Quotplex?* dividitur IN PUBLICAM ET PRIVATAM, quarum utraque per Notarios expediri solet. *Publicam* dicimus quam Superior imperans publice, fieri jubet inferiori; Eamque si à Cæsaris autoritate profisciscatur germanice appellamus: *Die Ueberantwortung, oder Verfündigung Kaysersl. Briefe. vid. Ord. Maximil. I. Colon. de anno 1512. §. 69.* Suscepta hæc olim à quovis Notario d. §. 69. usque dum renovatâ Ordinatione Camerali *Parr. 1. Tit. 39.* postea constitutum, ne fieret ipsa, nisi ab immatri-

culatis: Cœterum & reliquorum pariter Collegiorum decreta, judiciorumque Sententiæ dum partibus insinuantur ad publicam intimationem referri debent. Per *Privatam* vero indigitamus negotium, quo privatorum unus alteri per Notarium autoritate propriâ quid insinuari curat.

§. IV.

Effectus.

Diversos *effectus* (ut reliqua taceamus, hoc loco maxime brevitati studentes) intimationes diversæ producant: Publica velut jure suo postulat reverentiam & obsequium; imo Notarius dum adfert mandata Cæsaris, aut Principis, aliusve Domini, competentem Jurisdictionem habentis, repellere nequit, *vid. LEYSER. JCrum Excellentissimum in Medit. ad ff. Spec. 269. n. 1.* Secus ergo si Rex vel Dux cujus imperiò non subjaceo, aut alius quidam Magistratus incompetens mihi mandata insinuari, eaque statim accipi jusserit: hic enim *incongrue judicanti impune non paretur. l. fin. ff. de Jurisdictione.* Aliàs, ubi fundata Jurisdictio, non possum afficere Contumeliâ notarium, Judicis nomine ad me venientem, sed ipse hoc modo contemneretur judex. Illo autem effectu reverentiæ & obsequii non gaudet intimatio privata, cum æqualis in æqualem non habeat imperium: & quis ferret insolentiam cujusvis intimantis, aut quo jure, quâque injuriâ, maxime in causa propriâ, quodammodo judicem agentis? Sed de his plura dicendi occasionem dabit ultimum Dissertationis caput: Jam, cum Intimatio-

timationes maxime per notarios expediri soleant,
de his agendum erit in capite sequenti.

CAP. II.

DE TABELLIONIBUS SIVE NOTARIIS.

§. V.

Considerabimus in præfenti statum notariorum antiquum, qualis hic apud Romanos fuerit, postea dispiciendum erit, quantum mores nostri a temporum illorum consuetudine recedant? Tabularios olim fuisse servos constat *ex l. 3. C. de Tabular. lib. 10. v. GOTHOF. not. ad b. l.* erant enim quos civitas ordinaverat; ut scripturas & rationes tractarent, ideoque dicebantur *servi Civitatis. id. ad l. 2. Rem pupilli &c. imo servi publici d. l. 2.; & quamvis etiam liberi homines tabulariam administrare libertate salvâ potuerint l. 3. C. de Serv. Reip. manum, ab ordinariâ tamen notariorum Conditione munus quoque illorum servile habebatur MÜLLER ad STRUV. Exerc. 28. lib. 22. tit. 4. §. 29 β., Per Rescriptum Imper. Alexandri ab Officiis municipalibus arcentur, & si artem suam dereliquerint, dignitatem forte ambientes, intra quinquennium revocari possunt L. 1. C. de Tabular. cujus*

Status notariorum antiquus.

dum servi fuerunt.

ejus ratio : ne hoc modo quæstionem falsi (tor-
turam) cum instrumentum illorum arguitur, sub-
terfugiant : scripturæ veritas enim, dum res popo-
scerit, per ipsum debet probari authorem. l. 21. C.
ad. L. Cornel. de falsis.

§. VI.

*Es hodie-
nus, simul-
que Notario-
rum defini-
tio.*

Ab hoc autem veterum Tabulariorum statu
hodie Notariorum conditio multum omnino dif-
fert : Sunt enim personæ publicæ, quibus à Princi-
pe data potestas, negotia tam judicialia quam ex-
trajudicialia, probationis gratia, & ad perpetuam
rei memoriam, ritè consignandi. Dicuntur alias
*Tabelliones, Librarii, Libellenses, Scriptorii, Memo-
riales, Exceptores, Pragmatici, Logographi, Secretarii,
Actuarii,* & creantur a Cæsare per Comites Palati-
nos, quamvis etiam Rectoribus Academiæ pas-
sim, imo & Decanis Facultatum quarundam Juri-
dicarum ab Imperatore concessa facultas, illos con-
stituendi ; Exemplum est in Decano Facultatis Ju-
ridicæ Rostochiensis, cui jus illud ab Imperatore
Rudolpho II. gloriosissimæ memoriæ, anno 1582. die
23. Jul. exspeciali gratiâ tributum. Eodem vero
quo Cæsar in imperio, jure, & Status in territoriis
suis notarios inaugurare possunt, qui adhibeantur
in causis Civium subditorum, & ubi necessitas rei
postulaverit, auctoritatem interponant.

§. VII.

*Qui hodie
sunt ingenui.*

Tabelliones nostros ingenuos esse, nemo forte
dubitatur, cum Imp. Arcadius & Honorius jam pro-
hibue-

hibuerint: *ne ulli deinceps ad hoc officium pateſcat aditus, qui ſit obnoxius ſervituti, ſed quoties Provinciis, ſeu Civitatibus illi neceſſarii fuerint, liberi homines ordinentur l. 3. C. de Tabul. nec ancipitem aliquem trahere poteſt, quod in ipſa Conſtitutione Imp. Maximil. I. §. 25. dicatur: Es iſt auch ein Notarius oder Tabellio, nachdem er iſt ein Diener gemeines Ruſens &c.* his enim, non ſervos, quales apud Romanos erant, Imperator innuit, ſed officium illorum depingit: quod liberi & ingenui, quibusvis tamen rogantibus operam præſtare, illamque nemini facile denegare teneantur; de quo ſ. diſſert. 12. nimirum hoc abunde patet, ex ipſius Conſtitutionis §. I. ubi homines proprii, multo magis igitur ſervi, conceptis verbis à munere notariorum excluduntur & ad ſubeundum id inhabiles omnino declarantur.

§. VIII.

Fatendum porro, Tabelliones in dignitate quâdam verſari, & multum autoritate valere: *et in dignitate quâdam conſtituti.* Conſtituuntur enim non a privatis, ſed ut dictum ſupra, Cæſarem vel Principem ſuæ poteſtatis Authorem habent. Ordin. Maximil. art. 27. ibi: *Daß der Notarien keiner ſein Ampt anders, denn in die Hände des Oberſten Fürſten, von des Gewalt, er ſolch Ampt empfangen und creiret, unde munus illorum valde ſingulare eſt & pendere dicitur autoritas eorum ab autoritate creantis, qui*
B
fidem

fidem & industriam personae in specie approbavit & e-
legit. MÜLLER ad STRUV. Exerc. 28. lib. 22. Tit. 4.
 Dicuntur etiam iudices ordinarii, jurisdictionem,
 non alieno (forte per delegationem,) sed proprio
 suo jure a lege & Imperatore habentes, *Idem c.*
l. β) ut voluntariae jurisdictionis actus, v. g. Adoptio-
nes, & Emancipationes, ex communi Docto-
rum suffragio, valide coram ipsis expediantur
CARPZ. lib. 6. tit. 2. Resp. 18, 20, 21, non item illi, qui
pertinent ad jurisdictionem contentiosam; quia Nota-
riis sententiam ferendi potestatem, & causas deci-
dendi facultatem, nullā lege tributam videmus, J.
not. ad Ord. Maximil. p. 2. ubi daß der Notario-
rum Richter Ampt auff die Decision und Entschet-
zung der Sache selbst nicht zu ziehen, sondern al-
lein bey der Auffnahm und schriftl. Verfassung
sein Bewenden habe.

§. IX.

Officium il-
lorum

Munus eorum postulat, ut super negotiis ul-
 timisque hominum voluntatibus, ad normam or-
 dinationis Maximil. ac observatis cujusque loci
 solennitatibus, *Art. 24.* instrumenta fide digna
 conficiant, perennem rei memoriam conservandi
 gratia. Prædicatur hoc officium ab Imperatore
 non tantum utile, sed quoque necessarium. *d. O.*
verbis: nachdem nicht allein zu solcher Friedens
und Rechts Handhabung, sondern auch andern
mehr, so dem heil. Reich und gemeinem Nutzen
ange-

angelegen; das Ampt der offenen Notarien nützlich und dienstlich auch noth ist. & nemo illud exercere potest, nisi horum numero ad scriptus: neque Doctor Juris, ut ut alias consumatissimus: quoniam huic ab Imperatore non data facultas, instrumenta publice faciendi, nec juramentum, propter quod Notariis habetur fides, præstitit. Fuit hæc decidendi ratio Scabinorum Lipsiensium qui interrogati: an valeat testamentum super quo, non per Notarium, sed a Doctore datum erat instrumentum? ita responderunt: Weil diese Gewalt instrumenta publica zu verfertigen einen Notario autoritate imperiali sonderlich ertheilet und derselbe darzu verendet, dergleichen Pflicht kein Doctor Juris abzulegen pflegt, so möge auch solcher Aussatz, als ein Instrumentum Notarii nicht gelten noch zu Recht bestehen. CARP. ZOV. lib. 6. tit. 2. Resp. 18. n. 23.

Quod proprium bis & ideo neque Doctor

§. X.

Quid vero dicendum est de Clerico vel Sacerdote, qui forte rogatus ultimam moribundi voluntatem ex ipsius ore perceptam statim litteris exaravit, & scriptum simul testimonium seu instrumentum adjecit, hanc veram testatoris fuisse mentem, insuperque testes adhibitos esse legitime? Præsupponimus in genere talem scripturam, ad substantiam testamenti nuncupativi, de quo sermo nobis est, nihil conferre, illudque sine

Neque Clericus exercere potest.

hac firmum esse , modo septem testes accesserint negotio , & reliqua solennia fuerint observata : Requiritur enim à Maximiliano. *Art. 58. Ordin. tantum* : Daß von einem Testatore, was er im Testament haben wolle, vor 7. Zeugen öffentlich und klärlích benennet und ausgedrückt werde. Verum, quamvis scriptura talis non sit *per se* præcise necessitatis, *ex accidenti* tamen necessaria fieri potest : Nimirum testes ultimam voluntatem, quam moriens linguâ declaravit, post obitum illius juramento probare debent, secundum *receptam interpretationem extensivam legis ultimæ C. de testamentis. vid. BRUNNEM. ad h. l. & suffragia Doctorum ibid.* si vero ipsi testes decesserint post testatorem quidem, sed ante datum testimonium, procul dubio deficit probatio ultimæ voluntatis, adeoque hac deficiente, testamentum facile corrumpitur : Et hoc ne fiat, consultum, imo necessarium est a *Notario* scribi voluntatem ejus, qui hæredem nuncupavit, & statim super hâc instrumentum publicam fidem habens confici, quò probatio legibus valida, utut testes diem obierint supremum, & juramentum a nemine præstitum, perpetuo supersit. HOPP, *in Comm. ad d. fin. l. de testamentis, Ord.*

§. XI.

Interspergenda fuerunt hæc, ut ratio talis instrumenti rectius intelligatur : jam ad materiam propositam redeunt, videbimus quid statuendum

dum sit de instrumento Clerici ? Fingamus non adfuisse, imo haberi non potuisse Notarium, cum Titius forte in agone jam constitutus esset, & quæstio decidenda venit : an instrumentum Clerici hoc casu fidem facere possit ? Affirmativam sententiam tuetur Berlichius, inquiens : non debere quidem Clericos officium Tabellionatus exercere, utpote quod interdicendum ipsis, per beneficiorum subtractionem Innocentius III. statuit *cap. Sicut te accepimus. 8. X. ne cler. vel Monach.* si tamen instrumenta fecerint, illa valere putat, *Part. 1. Conclus. practic. 43. n. 50.* autoritate BARTHO-LI, JOH. JAC. a CANIBUS, JASONIS aliorumque fretus. Sed penitius rem inspiciens CARP-ZOVIUS negativam recte defendit, ostendens auctores ad quos Berlichius provocavit, alienos esse ab hâc opinione, & præsupposuisse, Clericos qui ante susceptum hoc officium fuerunt Notarii, horumque instrumenta fidem mereri, ipse cum ratione dicit. *lib. 6. tit. 2. Resp. 18. n. 15.* sicut ergo Doctores Juris, hâc facultate non gaudent (quibus tamen eandem falso tribuit Berlichius) ita nec Sacerdotes nostri, quamvis alias horum testimoniis maxima sit habenda fides : nec enim iis a Cæsare data potestas, nec juramentum fecerunt, unde nequeunt illorum instrumenta publice valere.

§. XII.

Notarios quod attinet horum officium *publicum* est, ex quo consequitur nemini hoc denegari posse,

*Officium No-
tariorum*

B 3

posse,

*publicum est
indeque ne-
mini dene-
gandum.*

posse, arg. L. 9. ff. de muner. & honor. §. 25. *Ordin. Max. verb.* es ist auch ein Notarius schuldig, von den Händeln, darüber er gebethen wird Instrument zu machen, & §. 35. Es mögen auch die Notarien, wie sie des bey Poen in Rechten bestimmt schuldig seyn instrumenta machen, modo negotia super quibus illud postulatur iusta, licita, & honesta sint, quod simul adjicitur d. §. 25. So fern die Handel sonst aufrichtig, ziemlich und nicht verbotnen wären. Non igitur integrum esset Notario, deferre petito Sempronii, qui publico instrumento probari voluerit: se alapas intulisse Mevio, aut Apolloniæ stuprum, Javolenum inter nebulones pessimum, Cajumque pediculosum esse: Facetiis enim his uterque peccaret, imo Sempronius, & Notarius promptus graviolem poenam promeruissent. In causis reliquis obstricti sunt operam præstare, adeo, ut si forte hoc detrectaverint, perjurii poenam incurrant: *HOSTIENS: in summar. tit. de fide instrum. §. quibus MIND. de Mand. lib. 2. c. 53. n. 16.* ab officio removeantur, *TREUTLER. Vol. 2. Disp. 5. rh. 2.* & ipsi cui denegatum est instrumentum ad interesse teneantur, *vid. Ordin. Max. art.* demselben, nach, ubi, daß sie Wiederkehrung der Schäden und Interesse denen, so durch sie versäumet, zu thun schuldig.

§. XIII.

*Summa Ca-
pituli ultimi.*

Habes Amice Lector! quid de autoritate Notariorum, & communi officio, quod omnibus præ-

præstare debent, sententiamus. Quæ dicta sunt, maxime sibi locum vindicant, in causis instrumentorum, & quoties movetur quæstio quanta sit tabellionum facultas in his conficiendis. Postulat autem instituti ratio, ut simul & reliquos notariorum actus contemplemur, ac præcipue inquiramus in auctoritatem illorum, dum particularia privatorum negotia suscipiunt gerenda, examinantes: an etiam in his rebus quantumcunque periculum ipsis exinde metuendum forte sit, operam indistincte præstare cogantur. Optime hæc enarrari posse censemus, cum in sequenti capite, primo, negotia, quæ præsertim a privatis committi solent expedienda Notariis, proponamus, secundo: cujusque negotii occasione respiciamus, 1) ad *privatum* per Notarium intimantem, 2) ad *ipsum Tabellionem per quem* 3) ad *personam cui intimatio facta*.

CAP. III.

DE INTIMATIONE PER TABELLIONEM PRIVATA.

§. XIV.

Intimatio privata per Tabellionem est *actus quo privatus homo, seu equalis, tertio equali, interveniente* *Quid sit Intimatio per Tabellionem privata.*

Quinam dicantur privati? ente operâ Notarii aliquid insinuat, ut vel in notitiam ejus tantum perveniat, vel vicissim aliquid respondeatur aut præstetur. Ex mente nostra significat intimare id quod lingua vernacula verbis : Andeuten oder zu wissen thun, exprimere solemus & negotium hoc privatum dicitur â nobis, atque obveniens inter æquale : Non autem æqualium seu privatorum nomine indignantur nobiles, cives aut rustici tantum, sed etiam Principes certo respectu.

§. XV.

Principes etiam certâ ratione privati esse.

Placet conceptus ille duplex, quem TITIVS JCTus celeberrimus, de his præsertim in Imperio nostro formandum putavit, dum Status alia ratione personam publicam ferre, aliâ vero privatam existimat. "Publica, inquit, æstimanda est ex relatione ad Rempublicam; hinc si Imperans spectetur quatenus imperium consequitur, in territorio suo imperat, cum reliquis Imperii statibus deliberat & decernit, Reip. munera gerit, cum exteris Civitatis suæ nomine agit, Territorio suo, aliis Statibus ac toti Reip. Germanicæ connectitur, eâtenus personam publicam occurrere dicendum est. Persona vero privata, sive hominis privati, ex actionibus quas Princeps cum aliis fortis privatæ hominibus habet communes, judicari debet: quodsi adeo ille ut Maritus, Pater, Testator, Tutor, Dominus, Contrahens, Præscribens, aut Præscriptionem pati-

“patiens, hæres, delinquens, ac in judicio litigans
 “consideretur, tunc personam privatam agnosce-
 “re par est. vid. *Specim. Juris publ. lib. 1. cap. 1. §.*
 “46. 47.

§. XVI.

Ne vero sejuncta hæc, a re proposita vide-
 antur, addemus exemplum intimationis per Ta-
 bellionem privatæ, inter Principes celebratum, quod
 DN. LEYSERUS, in *medit. ad ff. Specim.* 269. n. 4. 5.
 habet, insuperque collegii Helmstädiensis arbitri-
 um, anno 1716. desideratum fuisse, testatur, Facti
 speciem ecce! Haben Weyländ Herrn Herhog
 Friedrich Wilhelm zu Sachsen-Altenburg, Hoch-
 Fürstl. Durchl. in einen auffgerichteten letzten Wil-
 len das Jus primogenituræ unter ihren beyden Her-
 ren Söhnen eingeführet, womit aber des jüngern
 Herren Friedrich Wilhelms Hochfürstl. Durchl.
 nicht zufrieden gewesen, und so gar am Kayserlichen
 Hofe Beschwerde geführet, wodurch denn des äl-
 tern Herren Johann Philips, Hochfürstl. Durchl.
 sich bewegen lassen, den sub C. beygelegten Ver-
 gleich einzugehen, und nebst dem Herren Bruder,
 solenniter zu beschweren. Nachdem aber der Herr
 Primogenitus einige Actus, in den, dem Herren Se-
 cundogenito, zur Apanage eingeräumeten Ampfe
 Dornenburg unternimmt, welche dieser letztere, sei-
 nen Rechte nachtheilig zu seyn glaubet; So wird
 gefragt: Ob der Herr Secundogenitus, daran
 recht, oder unrecht gehandelt, daß er, bey vorha-
 bender

*Exemplum
 intimationis
 per Tabellio-
 nem priva-
 tæ, inter
 Principes ce-
 lebratum.*

bender Einweihung der Hoff-Canzley und Cammer zu Dornenburg, von einem Notario, welcher sich mit 2. Zeugen gemeldet, und seinem Vorgeben nach, ein Schreiben von Altenburg überbracht, (jedoch seine Legitimation vorzeigen können) solches Schreiben anzunehmen sich geweigert, und da derselbe, durch sein ungestühmes Anhalten, und Placirung an der Treppe, seine Durchl. an Vollführung, des gewesenen Actus gehindert, ihm hinunter in die Ampts-Stube bringen, und daselbst, in aller Höflichkeit bis zu Ende der solennité aufhalten, nachgehends aber freundlich dimittiren lassen?

§. XVII.

Mittitur autem Notarius I. ut alterum interroget.

Sed ipsa tandem negotia considerabimus ad quæ rite peragenda, Notarius requiri solet, iisque allegatis, postmodum jus nostrum applicabimus. Mittitur a privatis Tabellio I. INTERROGANDI GRATIA: Daß er einen zu Rede stelle. Si quis audiverit forte, Titium verbis injuriosis famam ipsius lacerasse, neminem vero testem habeat, qui vel præsens fuerit, vel alias certum in re testimonium dare possit; Tunc adhibetur Notarius, ut ex tertio quærat, an talia dixerit nec ne? ubi post insecutam confessionem, instrumentum insuper conficere plerumque rogatur, ut, maxime, si testes adjuncti fuerint, probationem actor firmam habeat, cum confessio sit optima probatio. *arg. L. un. C. de confessis.* Verum quid si nobis objiceretur, in hoc negotio, *interrogationem adesse, non intimationem*

nem seu declarationem, indeque male ad præsentem illud materiam quadrare? Sed salva res est! Notarius enim per quem fit actus interrogationis, Intimat tamen alteri, seu declarat quod Titius scire cupiat, eumque interrogandi gratia miserit.

*Interrogatio
refertur ad
intimat-
ionem.*

§. XVIII.

Modum autem proponimus, experientia teste receptum moribus, quamvis utique promptiora dentur remedia. Satiùs enim est, adire judicem & adversario juramentum in judicio detulisse, cum facile fieri possit alias, ut non solum finis quæstionis non obtineatur, sed adeo lis ex lite crescat, utpote, si tertius interrogationem agre ferens, vel respondere noluerit, vel loco responsionis, convitia dederit, præsertim cum ignominiosum habeatur opinione vulgi, rationem dicti vel facti ad nutum reddere cuique postulanti. Quod concernit in hoc negotio personam intimantis per tabellionem seu Notarium mittentis, eam in re licita versari dubium non est: Interrogationes enim privatæ, quæ delictum non involvunt nullo jure vetantur. MOLLENBEC: *ad lit. de interrog. in jure faciendis n. x.* unde proverbio dicimus: Fragen ist frey! Aliud ergo statuendum est, si motus iracundiæ calore quis Notario jusserit, ut tertium interrogaret; *Ob er nicht solches wie ein Bärenhäuter geredet?* Verum quamvis interrogationem, per se indifferentem leges non prohibeant, persona tamen interro-

*Ratio dicen-
dorum.*

*Persona Ta-
bellionem
mittens.*

gans, responſionem alterius exigere perfectò jure nequit, ſed ad hoc, obligatione opus eſt quæ provenit, vel ex peculiari pacto vel ex communi præcepto legis naturalis, vel denique ex præſentis negotii natura, cui contrahendo ſermo adhibetur PUFENDORF de jure nat. & Gent. Lib. IV. Cap. I. quorum nihil in præſenti negotio doceri poteſt. Quo pacto enim tertio temere interroganti me reſponſurum eſſe promiſi? Quo præcepto legis naturalis teneor, ex domo propria per confessionem hoſtibus arma ſuppeditare? quid operatur natura negotii quod contrahi nolo?

§. XIX.

Tabellio per quem interrogatio fit, an ad hoc poſſit compelli?

Imo invitus nec ipſe *Notarius* ad interrogandum promiſcue compelli poteſt. Habetur quidem in *Ordin. Max.* ceu dictum §. 8. *diff. cap. 2.* quod promptus ad exhibendum, cuius officium eſſe debeat, & ſimul additur §. 24. *conſtit. ord.* inferendum protocolli: quod ipſi viderint & audiverint, was Sie mit eigenem Geſicht und Gehör empfangen haben, atque §. 8. ne ad relationem aliorum utut fide digniſſimorum instrumenta forment, ſed tantum ſuper his quæ coram ipſis geſta, was vor ihm und den Zeugen gehandelt, und er mit ſeinen leiblichen Sinnen bemercket, ex quo negotium hoc ab ipſo Tabellione videtur expediendum, cum alius de viſu & auditu, teſtari nequeat: Sed certe non eſt. Primo enim quoad officium præſtandum omnibus, provocamus ad. d. §. 24. *Ordinationis ubi totum officium*

cium Notariorum : Die ganze Substantz und Krafft ihrer Aempter exprimitur , sed *per elaborationem instrumentorum* , ad quam sane parati debent esse in quovis loco Notarii. Non autem in reliquis negotiis privatorum obsequium illis injungitur absolutum. Secundo, certum quidem est debere Tabellionem, vel oculis propriis vidisse rem, vel eam auribus suis percepisse , cum instrumenta super ipso quodam negotio, vel actu desiderentur ; sed exinde sequitur tantum Notarii præsentiam hic esse necessariam, ut postea protocollo quæ gesta sunt inferere possit , non vero hunc obstrictum esse, ut interroget ipse Daß ER einen zu Rede stelle : imprudentius enim hoc aliquando fieri, & satis cum periculo posset. Interim si sponte voluerit Notarius, amore lucri captus, hoc officium in se recipere, & alicujus nomine dicti vel facti rationem â tertio postulare, licebit quidem ; At, hoc in casu jura quoque tertii considerata veniunt : An ille respondere teneatur ?

§. XX.

Per simplicem interrogationem nemini fit injuria : sufficit, quod relictum sit alterius arbitrio, an respondere velit, nec ne ? Si sponte voluerit, quid tum ? Si vero noluerit, certe compelli nequit , sive regulas juris naturæ consideres , sive placita legum Civilium spectes. Jus naturæ semper respondendi necessitatem non injungit, & manifestum est, me non teneri omnia quibusvis indicare, quæ ipse in animo volvo, sed illa duntaxat, ad

Persona interrogata, num respondere teneatur ?

De intimazione Clerico
facta : von
Beschickung
eines Predi-
gers.

quæ intelligenda , jus plenum habent alii , adeoque recte
ea tacendo dissimulari posse , quæ ut ex me sciat , alter,
jus non habet , neque ad id aliqua obligatione teneor.
PUFENDORFF. c. l. §. 7. Jure civili autem ,
nemo cogitur ante judicium de suo jure aliquid respon-
dere L. i. §. l. ff. de interrog. Et privatorum non est
sed judicis , interrogationem facere , ubicunque moverit
ipsum æquitas L. 2. ff. eodem. ita facultatem qua ipsi
destituti sunt , Tabellioni dare nequeunt : cum ne-
mo plus juris possit in alium transferre quam ipse ha-
bet L. 54. ff. de R. J. His igitur fundamenti lo-
co positis , facile colligi potest : an aliqua sit No-
tariorum , privati cuiusdam nomine interroganti-
um autoritas ? Finge Sacerdotem Dominicâ die,
concionem habuisse , & peccata , quæ in coetu
frequentiora novit , ut par est reprehendisse , au-
ditorum aliquem vero putasse , hæc animo inju-
riandi prolata , ideoque post sacra finita misisse
notarium , interrogandi gratia : an ipsum his ver-
bis afficere contumelia fuerit animus ? Certe ,
quamvis Clericus (ut verbis utamur Jcti sum-
mi , SCHOEPPFERI Beati) cum sine admonitio-
ne privatâ personam publice in cathedra , vel no-
minet , vel ita persringat , ut omnes intelligant de
quo sentiat , injuriarum teneatur , per Recess. Impe-
rii de Anno 1530. §. Wir haben 55. vers. die Pre-
diger sollen Et Rec. Imp. de Anno 1542. §. 41. vid.
Synopsis ad lib. 47. Tit. 10. ff. n. 13 in præsentî casu
tamen nullam postulare necessitatem statuimus
ut

ut privato interroganti congrue respondeat verbi divini Minister, sed recte dimitteret ipsum Tabellionem consueta formulâ : Der Herr beliebe nur zu sagen, er habe keinen Bescheid gekriegt.

§. XXI.

Altera intimationis per Tabellionem privata species est, quando mittitur Notarius II. INTERPELLANDI CAUSA. Vocabulum *interpellationis* sumitur alias pro imploratione, quoties iudex interpellari dicitur, interdum pro interruptionis actu, ut in materiâ præscriptionis & possessionis, hic vero denotat: ab aliquo postulare seu illi denunciare v. g. si debitorem in mora constitutum crebriori admonitione compellimus ad maturandam solutionem. Hoc sensu quisque potest interpellare qui nomina habet activa seu cui aliquid jure debetur, ut locator conductorem ad mercedem consequendam, creditor debitorem suum ad reluendum pignus, venditor emtorem ad solvendum pretium. Imo toties hæc interpellatio, si quis voluerit, in tedium morosi debitoris reiterari potest, quoties creditori placuerit ipsi, qui enim suo jure utitur nemini facit injuriam; L. 13. §. I. ff. de Injur. & incommodum quod alter sua culpa sentit, sentire non videtur L. 203. ff. de R. J. Cavere tamen sibi oportet interpellantem, ne termino solutionis nondum elapso, maxime si hic in favorem debitoris adjectus, solutionem urgeat. *Pacta namque dant legem contractui* L. 23.

ff. de

Mittitur
Notarius II.
Interpellandi gratia.

Persona interpellans.

ff. de R. J. nisi forte a) metuendum sit debitorem fuga salutem quæsiturum esse, ubi recte fit interpellatio per Notarium, ante terminum solutioni præfixum, ut si pecunia non sit parata vel carcere, vel satisfactione, creditoris consulatur rebus. β) Si pecuniam mutuo dederit, ut certo tempore solverentur usuræ, debitor autem, hoc facere neglexerit, quia tunc, ad restituendam sortem cum usuris, ante præstitutum alias obligationi diem, jure tenetur. STRYK. *U. M. ad lib.* 46. tit. 3. ff. §. 13. & cum ipso, NEGUSANT: *de pignor.* p. 4. n. 15. HERING *de fidejussoribus* Cap. 10. 73. SCHULTZ *de oblat. & obsignat.* Cap. 4. n. 25. & FREYER *de solut.* Cap. 5. n. 16.

§. XXII.

Notarius per quem fit interpellatio.

Ratione Tabellionis nomine alterius intimantis, idem statuendum erit, quod de interrogante §. 19. diximus nam interesse quidem negotio tenetur sed non præcise qua persona princeps seu ipsum interpellationis actum expediens. Cum enim multi reperiuntur homines, quibus in adversis præcipue rebus, frequentius est verbera quam verba dare, nullam video necessitatem, cur huic exponere se malo teneatur, ubi fortasse timendum est; Verum si probitatem interpellandi noverit, & hoc ipso, mercedem promissam mereri potest. Si debitor in mora constituendus, hoc agi potest per Notarii, æque ac per ipsius creditoris interpellationem, *mora namque videtur creditori*

ditori fieri, sive ipsi, sive ei cui mandaverat, aut qui negotia ejus gerebat, facta sit L. 24. ff. de Usuris. Sciendum quoque Notariis, personas esse quibus non rigoroſe, ſed cum reverentia & modeſtia ſpeciali faciendae eſt interpellatio, quæ tamen plenam itidem vim, & effectum ſolitum habet; Reſeruntur huc Prælati, Patroni, Soceri, & reliqui Parentes, vid WERNHER. de mor. th. 43. MENOCH. de arbitr. jud. Quæſt. c. 461. n. 4. MÜLLER ad STRUV. Exerc. 27. lib. 22. tit. 1. Theſ. 67. 9) adeoque cavendum ſedulo, ne commiſſi limites excedant officii, & ſic ad rationes malorum per culpam ipſorum evenientium, reddendas poſtea teneantur.

§. XXIII.

Intueamur etiam *perſonam interpellatam*, ubi *Perſona in-*
tres veniunt ſeparandi caſus, in quorum primo, lo- *terpellanda,*
cum interpellationi dare, nemo tenetur, in ſecundo
ſtringitur per ipſam interpellationem, in tertio
verſatur utilitas ejus in hoc, ut fiat interpellatio.
Primus facile colligitur, & eſt, ſi Tabellio mit-
titur, ſolutionem ab eo poſtulandi gratia qui ni-
hil debet. Reſertur inter injurias ſi quis non de-
bitorem, quaſi, debitorem appellaverit L. 15. §. 33.
ff. de Injur. quo jure igitur admittenda foret in-
terpellatio ſi nullo quis obligationis vinculo tene-
tur? integrum erit hanc alto ſupercilio contem-
nere, & ejus nomine rationem ex adverſario
quærere; ſed alia dicenda ſunt, in proxime ſe-
quenti caſu. Fingamus creditorem mutuum al-

D

teri

teri dedisse, nec certum reddendi tempus determinasse, nec pacto, resignationem præviam, die *Eosfündigung* promississe: hanc sane per interpellationem debitor in morâ constituitur, *L. 32. ff. de usur.* & ex hac ad usuras & interesse postea tenetur, MÜLLER ad STRUV. *Ex. 27. §. 67.* Ultimo tandem interest ipsius debitoris, modo dictam interpellationem fieri, cujus exemplum in *Lege Commissoria*, quando conventum inter partes ut pretio non soluto res sit inempta. Dubium videri posset an illa referenda sit ad propositam materiam, cum in *L. Comm.* regulariter interpellatio hominis superflua, quoniam ad expressum terminum initur, ceu patet ex verbis: *pretio intra certum tempus non soluto*, quæ alias definitioni hujus communiter adjici solent: Quia vero certum tempus exprimitur, dies jam pro homine interpellare dicitur. *l. 12. C. de Stip. contrab.* Verum enim vero, quid si nulla temporis facta mentio? de quo STRYK. *U. M. lib. 18. Tit. 3. §. VI. si tempus nullum adjectum sit, quod utique fieri potest: arg. L. 3. ff. de contrab. Emt. L. 41. ff. de R. V. B. Dn. a JENA de lege commissoria §. 55. tunc interpellatione expressa opus erit Zoef. ad ff. *h. t.* n. 7. BRUNNEM. ad *L. 4. de lege Comm. n. 4.* nam antea mora non contrahitur *L. 23. ff. de V. O.**

XXIV.

*Notarius ab-
legatur III.
protestandi
causa.*

Progredimur ad alium intimationis privatæ modum, quo III. pertinent **FREQUENTES PER NOTARIUM IN VITA COMMUNI PRO-**

PROTESTATIONES. Est vero *protestatio animi nostri declaratio, vel juris conservandi vel damni depellendi gratia facta.* SCACC. de *Judic. lib. 1. Cap. 30. n. 34.* BERTAZOL. *tract. Claus. instr. 6. gloss. 1.* & requiritur in persona protestante, seu quæ notarium ablegavit, ut *protestandi jus habeat*: Quod dicendum est, quoties res ex ipsius arbitrio pendet. BRUNNEM. *ad l. 13. si major. ff. de rescind. vend.* cum ergo *injunctum* a iudice sit *contestari litem*, hic vero respondeat actoris intentioni, per facti enarrationem, cum *protestatione solenni*, hoc non animo factum *contestandi litem*, id ipsum nihil proderit, cum in ejus voluntate non sit an morem gerere decreto iudicis voluerit, nec ne? ideoque *protestandi jus non habet*, MASCARD. *Conclus. 434. n. 20. sequ.* GAIL. *Obser. 73. n. 5.* item *protestatio debitoris*, qui paratam non habet pecuniam, & tamen creditorem pignora jure distrahentem, simul & pignoris emtorem impedire voluit, nullo penitus effectu gaudet, ex lege Imp. Gordiani: Hoc formulâ rescribentis; *Debitoris denunciatio*, qui creditori suo, ne sibi rem pignori obligatam distrahat, vel his, qui ab eo volunt comparare denunciat, ita demum efficax est, si universum tam sortis quam usurarum offerat debitum creditori, eoque non accipiente, idonea fide probationis (ita ut oportet) *deposi- tum ostendat*, nam si vel modicum de sorte vel usuris in debito perseveret, *distraçtio rei obligatæ non potest im-*

D 2 pediri:

pediri: neque ea ratione emtor, tametsi sciat, interpositam a debitore, creditori denunciationem, male fidei sit possessor l. 2. C. Debitor. Vendit. pign. Cur? quia denunciandi seu protestandi jus non habuit alter.

§. XXV.

*Notarius
protestationem
insinu-
at.*

Tabellio cui protestationis actus forte commissus, illum in se recipere & cum modestia gerere, nullibi prohibetur, imo prudenter illius opera desideratur, in hoc negotio quo, praesertim si testes accesserint, postea factam protestationem, documento firmiter probare possit. Reservantur autem jura mittentis hoc modo, cum quod per alium facit ipse fecisse putandus sit; Sed quaestio superest: an Notarius in hoc aliisque negotiis adhibitus postulare mercedem queat, si forte res minus prospere successerit? Fingas Tabularium ex voluntate mittentis interrogantem male, pejus audivisse, ac pluribus maledicendi formulis onustum, rediisse domum, vel in negotio interpellationis responsum hoc tulisse: nec posse, nec velle Titium solvere; aut in actu denunciationis, protestatione contraria dimissum esse: Quoad causarum patronos & advocatos, expedita res est: sicut enim medico eventus mortalitatis imputari nequit, L. 6. §. 7. de Offic. praest. ita & his debetur honorarium, utut in causa succubuerint, arg. L. 10. §. 1. ff. de Negot. gest. cum dubius sit litis eventus. LAUTERBACH. in Colleg. Theoret. Pract. §.

25. de

25. *de Postul.* Verum eadem asserere de Tabellionibus nulli dubitamus, cum in ipsorum quoque negotiis exitus plerumque dubius, & casu fieri dicendum est, si adversum quid acciderit; jam vero nota Regula Juris: quod casum nemo præstare teneatur. Imo si conventionem inter personam ablegantem, ipsumque Notarium ut par est, expendamus, hic certe promittit, non felicem eventum esse futurum, *sed se præstiturum operas*, pro consequenda mercede, quodsi ad normam alterius præscriptam egerit, obligationi, ex parte quidem sua, maxime satisfecit, indeque salarium plene jure postulat.

§. XXVI.

Consideranda venit etiam persona cui protestatio facta, hæc autem, maxime si protestationi jure locus, illam tenetur æquo animo ferre, nec licebit audito Notario, falsis & asperis facetiis pun gere protestantem, cum ille, competentia sibi reservans, & vel in hoc jure suo decenter utens, ipsi non faciat injuriam, secundum allegatam supra legem 13. §. 1. ff. de Injur. quoties vero protestandi jus non habet, inanem ipsius curam ostendere potest coram Tabellione, eamque verbis exprimere. Porro quo fiat protestatio rite, notandum, præsentiam alterius personæ requiri, cui denunciatur, adeo ut alias actus nullius sit momenti, BRUNNEM. ad L. 7. si repetendi. C. de Condict. ob causam datorum; Sed loquimur de casu, cum pro-

*Persona cui sit protesta-
tio per Ta-
bellionem.*

testatio palam fieri debet , alias namque altero vel absente , quandoque denunciatio fieri potest, quod negotium protestationis secreta nomine venit Confer. Dissertatio Inauguralis elegantissima, quam de hac materia DN. VERMEHREN nunc Juris utriusque Doctor celeberrimus , & judicii Meclenburgerensis Aulici Procurator Ordinarius, Avunculus honoratissimus, olim habuit Rostochii, Præside B. DN. SEEM, JCto nemini secundo.

§. XXVII.

Committitur III. Notario ut injuriam inferri curet.

Enarravimus hucusque causas in quibus, omnibus est intimandi jus. Nova jam exponenda sequitur intimationis privatæ species, de qua dicitur longe diversa sc: dum IV. ablegatur Notarius, UT INJURIAM ALICUJUS NOMINE TERTIO INFERAT ; Hæc autem appellatur contumelia l. i. pr. ff. de injur. multisque modis fieri solet. Ut clarius mens nostra sit, facti speciem dabimus, postea rationem personarum ad negotium hoc concurrentium habebimus. Emor a venditore soluto pretio , domum sibi comparaverat, addita lege, ne habeatur in nominibus, aut in illa competat alicui jus hypo: hecæ. Post consummatum vero contractum, unus & item alter accessit creditorum, rogans solutionem, ut par est a possessore domus, quam sibi jure pignoris obligatam probat. His præter expectationem evenientibus, atrabile percitus emor, Tabellionem accersi jubet, eique mandat, statim adire venditorem, & huic ipsius

ipſius verbis declarare, illum in hoc negotio cum
em̄tore, non ut viro convenit honeſto, ſed more ne-
bulonum egiffe. *Er habe bey ihm wie ein Schelm
gehandelt*: Notarius, lucri bonum ex re qualibet
odorem putans, æque promptus, in expediendo
negotio, quam in committendo fuit alter, & ædes
venditoris ſtrenue pulſare conatur, a quo com-
perta re, mox verberibus afficitur, adeo ut non
habeat nova plaga locum! Quod concernit in fa-
bula, perſonam intimantem vel ſolum injuriæ no-
men ſufficit ad demonſtrandum, verſari hanc in
re, quovis jure prohibita, nec ſufficit, quod Læ-
ſum in contractu ſe putet, cum judex adeundus.
*Extat enim decretum Divi Marci in hæc verba, opti-
mum eſt, ut ſi quas putes te habere petitiones, actionibus
experiaris. L. 13. ff. quod metus cauſa, neque licebit
per vindictam privatam in cauſa propria judicem
agere, cum idcirco Judiciorum vigor, jurisque publici
tutela videatur in medio conſtituta, ne quiſquam ſibi
ipſi permittere valeat ultionem L. 14. C. de judæis &
calicol. imo poenæ ſunt ſtatutæ legibus, ſi quis in
tantam furoris pervenerit audaciam, ut jus ſuum
ante adventum judicialis arbitrii ſit perſecutus, au-
thoritate privata L. 7. C. unde vi. Multo minus il-
lum excuſare poteſt, quod non ipſe, ſed Notari-
us injuriam fecerit, quoniam non ſolum is tenetur
qui fecit, verum & ille, qui dolo fieri curavit, qualis
hic mandans L. 11. pr. ff. de injur. imo quid clarius
ipſis reſcripti verbis? ſi mandato meo alicui facta
ſit*

*Perſona in-
juriam in-
ferens.*

injuria, tam me, qui mandavi, quam eum qui suscepit, injuriarum teneri §. 3. d. L. sed ordine jam ducimur ad personam suscipientem.

§. XXVIII.

*Tabellio per
quem infer-
tur.*

Interdictum esse Notariis Ordinatione Maximil.
I. §. 25. ne rebus immisceant se prohibitis, aut ipso-
rum officio non congruentibus, supra jam exposi-
tum, unde facile potest interri, num liceat Ta-
bellionibus in præsentī negotio, meram injuriam,
merumque delictum continente, versari? Ope-
ram certe jubentur exhibere, quoties occurrit a-
ctus indifferens aut lege permissus, sed inservien-
tes, ut inter alios verba commutentur injuriosa,
poenam judicis ex arbitrio dabunt, & illi, qui
contumeliam passus, maxime tenentur: Nam re-
Æ Proculus ait, si in hoc te conduxerim, ut injuriam
facias, cum utroque nostrum injuriarum agi posse L. II.
§. 4. ff. de injur. referuntur tamen hæc ad jura ter-
tii: Quid vero dicendum de conventionē inter
ablegantem & Notarium inita? Quæritur: num
promissam Tabellio mercedem a principali mittē-
te hoc in casu postulare queat? Et respondemus,
si causa foret legibus approbata, rem dubio vaca-
re, cum ex parte sua contractum impleverit; jam
vero cum adest utriusque turpitudine, Notarium di-
cimus pecuniam, nondum solutam, exigere non pos-
se, acceptam autem retinere, cum in pari turpitudi-
ne melior est ratio possidentis, vid. L. 8. ff. de condit. ob
turp. vel injust. causam.

§. XXIX.

§. XXIX.

Ille cui intimatio facta non cogitur huic acquiescere, vel ejus nomine gratiam referre : Quoad emptorem enim intimantem, dictum, hunc injuriam commisisse, quam ferre nemo cogitur ; Quoad Tabellionem vero certum est, quod in his similibusque rebus & quoties excedit officii limites auctoritatem plane nullam habeat. Judex quidem esse dicitur *cap. 2. §. 4.* sed inter volentes ; quid quod ipse judex fines egrediens, injuriarum teneatur, ceu colligunt ex *L. 32. de injur.* Cœterum tamen ad facti speciem quod attinet, venditor in casu præsentis non habuit jus dicto procedendi modo. Largimur intimantem peccasse, concedimus errasse Tabellionem, sed ex eo novus idemque gravior venditoris excessus defendi nequit : Læsus in contractu judicem implorare debet *emptor*, quidni & Læsus per injuriam *venditor* ? cum in re propria judicem agere nemini liceat secundum allegata §. *dissert. 27.*

Persona cui sit.

§. XXX.

Tandem Vto Notarius ablegatur IN CAUSA RETORSIONIS : quæ est *injuriæ, nobis illatæ in alterum, incontinenti facta rejectio.* SCHOEPPF. in *Synops. ad Tit. de injur. n. 72.* requiri tamen a retorquente solet, ne graviorem illatâ sibi, faciat injuriam, cum excessus alias pro nova contumelia reputetur. GAIL. 2. *Observ. 100. n. 9.* Persona intimans sive retorquens, hunc in finem licite

Notarius V. mittitur in causa retorsionis.

E

Nota-

Notarium mittere potest : *Moribus enim retorsio tanquam remedium est introductum quo extra judicialiter, vindicari possint injurie* STRYK. U.M. §. 38. *tit. de injuriis, v. g. si quis insulsus homo vocatus, alium nebulonem & asinum dixerit, ubi retorsionis excessum nemo non videt. Verum quod in continenti fiat responsio, moribus non servari putat* STRYKIUS *prælaudatus, sed eam ex intervallo per Notarium & testes plerumque dari testatur. d. l.*
§. XXXI.

*Notarius
cujus Opera
sunt retorsio.*

Negotium hoc recte suscipitur a Tabellione, cum inter prohibita, & injusta computari nequeat. Hic enim par pari referre licet. Non tamen poterit Notarius inservire illi, cui facta retorsio, ut ejus nomine vicissim retorqueat, MÜLLER. *ad STRUV. tit. de injur. Exerc. 62. namque re or- sionis retorsio involvit novam injuriam* HOPP. *in Comment. ad tit. de injur. in fine, quam promovere Tabularius non debet, vid. §. diss. 8. Alias vero cum legitime fit retorsio, mercedem pleno jure postulat promeritam. Suadendum vero Notariis, ut multa cum prudentia seu circumspectione versentur in hac re ; Docuit enim experientia saepe Notarium retorsionem alterius nomine insinuantem recessisse pugnis oneratum ; Ideoque consultum erit, exemplum anonymi Tabellionis imitari, cujus instrumentum retorsionis hanc formulam finalem habet : Nachdem dieses geschehen (de facta retorsionis insinuatione loquitur) ist mehrgedachter*
ter

ter Philipp Stuhlmann (*cui in Opificum Collegio re-
torsio facta,*) mit gar unbescheidenen Gebährden
aufgestanden und auff mich zugetreten, unter den
sämpflichen Meistern, aber ein ziemlich unordent-
liches Reden und Getümmel entstanden, welchen
ich aber (*Cautelam ecce!*) nicht zuhören noch
mich weiter mit ihm einlassen wollen, sondern bin,
nebst denen bey mir habenden Zeugen, so geschwind
ich vermocht, zur Thür hinaus gegangen, *vid. Not.
ad Ord. Maximil. pag. 275.*

§. XXXII.

Persona cui fit hæc intimatio retorsionis, per
illatam prius injuriam, ipsa dedit occasionem, *Persona cui
fit retorsio.*
hinc in malam partem rapere nequit, alterum ex-
istimationis conservandæ gratia, hoc usum esse
remedio: nec verberibus aut ignominia poterit
afficere Notarium qui accessit huic negotio, lege
permittente. Verum circa retorsionem casus
tres separandi sunt. Primo namque contingere
solet interdum, ut fiat illa sub conditione e. g.
si adversarius talia locutus, est nequam; & di-
stinguimus an illa vere dixerit nec ne, in priori
locum habet retorsio, non autem in posteriori, ad
exemplum injuriarum actionis, *vid. LAUTERB.
colleg. theor. pract. tit. de injur. §. 15.* secundo fit abs-
que injuria prævia quandoque retorsio: ut si quis
sub prætextu retorsionis falso dixerit verbalem me ipsi
injuriam imposuisse, & propterea retorquendo menda-
cium mihi innotenti objecerit, quo casu contraria re-

*torfione contra hanc injuftam , mibi irrogatam , me lice-
re defendere , & dicere vel fcribere poffum quod pri-
or retorquens mentitus fuerit. vid. Richter Decif. 92.
n. 20. Tertio datur retorfio legitima & omnibus
numeris absoluta , quam quidem perfona cui fa-
cta , perferre tenetur , per hanc tamen ab inju-
riarum actione liberatur. Qui enim ipfe fibi jus
dedit , judicis officium implorare nequit. SCHOEPFF.
in Synopf. tit. de injur. n. 75.*

§. XXXIII.

Sufficiant hæc de intimatione per Tabellio-
nem privatâ , quam tamen rem , utut frequen-
tiffima fit , neminem hactenus opera speciali pro-
pofuiffe memini. Interim fufceptum in præfenti
differatione laborem non credo futurum in-
utilem : cum jura præcipua Notarium ablegantis , i-
pfius Tabellionis , & perfone cui intimatio facta , nar-
raverim , ex quo facile patebit in hoc negotio , quid
jure permittente liceat ? quid lege prohibente fi-
at ? Tandem ut bellum indicam Momis Zoilisque ,
caufam video nullam : Non curare vulgi fibilos ,
ftultorumque nænias fpernere didici ! Oderit me ,
AMICE LECTOR ! malignorum unus & item al-
ter , dum honeftis modo placeam vi-
ris , & inter hos maximè

TIBI.

F I N I S.

PRÆNOBILISSIMO & CON-
SULTISSIMO,
DN. DOCTORANDO,
FAUTORI ET CONSALINO
ÆSTUMATISSIMO
S. P. D.
PRÆSES.

QUOD TIBI, FAUTOR OPTIME,
de egregiâ Studiorum Tuorum
mese, edito in super Dissertatio-
nis inauguralis eleganter conceptæ, singula-
ri Specimine, gratulandi occasio mihi sub-
oriatur, gaudio sanè afficior non medio-
cri; præsertim ubi priorum annorum
commorationis Tuæ, in levi mea manu-
ductione, recordor, & ita recordor, ut gene-
rosa Tua indoles ad virtutis & eruditionis
gloriam incitata ob oculos mihi versetur,
mirerque inusitatam Tuam industriam,
quibus alios longissime superare solebas.
Nec enim immaturus accessisti ad Exte-
ros,

ros; unde fieri aliter non potuit; quin
Summorum SAXONLÆ Doctorum, quos
ulteriori Tuæ diligentiae duces elegeras,
moderamini, ad invidiam profeceris. Ne-
fas quoque esset, hinc præterire rectos &
compositos Tuos Mores Modestiaeque Stu-
dium, quibus omnibus Te commendas.
Verum in singulas Tuas laudes excurrere,
angustia pagellæ non permittit; Unicum
tantum addens, quod pugnaturus pro
LAUREA DOCTORALI consequenda,
secuturos ilico Honores nunc demum
non promerearis, sed Præstantiæ Tuæ diu
jam obtentos, pleno nunc jure vindices.
Ito bonis Avibus, & immortalitatem Me-
ritorum, ad exemplum Magnorum Tuo-
rum PARENTUM Tibi conciliaturus, Vir-
tutis Tuæ rationes ad Laudem Divinam
promovendam & Rempublicam tractan-
dam felicissime refer. Bene Vale! Scr. fe-
stinante calamo d. 21. Sept. MDCCXXIX.

